

# Hylli i Dritës



*Ubi Spiritus Domini, ibi libertas.*

(-II ad Cor. III, 17-).

1. Na protestojmë	Fq. 217
2. Reforma arsimore në Shqypni	227
3. Mémoire historique	244
4. Rreth një çashtjet kryesore per Shqypni	248
5. Kangë Kreshnikësh — Martesa e Halilit	257
6. Rivista e Shtypit	282
7. Lajme	299
8. Bibljografi	311

SHKODER

Shtypshkroja Franciskane  
1924.

# Ky blë është 96 faqesh

nji dishmi tjetër, pra, se na jemi tuj ba ç' mos për me u kapë njaty kû u patem dhanë fjalën lexuesve t'onë, të cillvet u lajmojmë edhe se Numrat tjerë kanë me dalë jo më për dy muaj, por sejcilli muaj ka me pasë Numrin e vet. Veç çka se masi na prej anës s'onë jemi tuj ba ç' mos për me kondendue lexuesat e me u dalë hakut, kishim me dashtë që edhe ata t'u diftojshin ma të kujdesëshem në të paguem të pajtimit.

# Na protestojmë.

Sot, qi jemi tuj nisë me e shtrî ket artikull, Kalendari shênjon daten 16 Gusht, e deri sa ky numer të bâhet per me u kënë dà lexuesave, nuk e dim se ç' ka ka me sjellë koha. Na po marrim para sysh vetem ndollit e ditës e mas ktyne po napim edhe gjygjin t' onë.

Posta e pardjeshme, nder sa tjera, na ka sjellë edhe fletoren „Dajti“ Nr. 43, në të cillen, nen titullin: „Kongresi Arsimuer“, lexojmë edhe kto fjalë: „Mbas një bisedimi të gjatë qi arsimi të jet mi baza demokratike komtare edhe qi shkolla shqipe të jetë e përbashkët më ç' do vënd e në ç' do pikpamje, oratorët qi mprojten këta dy pika kjen Z. Z. Xhevad Korça, Sali Çeka, M. Vokshi, Kiço Kota, Aleksander Xhuvani, Jani Minga, edhe u pranue prej gjith kongresistve, per veç Ndue Palucës e Kolë Margjinit, të cilët kjen të shtërnguem prej s' dië se kuej së jashtmit“.

Se deri kû mund të jët i vertetë ky lajm na nuk po kemi rasë me rmue, por masi fletorja në fjalë botohet në Tiranë e, per çka duket, âsht në marrëdhanje të ngushtë me shumicen e pjestarëve të Kongresit, na e muerem njashtû si kujtojmë se mund mërret e pershtypja qi na bâni âsht, se Kongresi ka me pasë marimin qi meriton.

